

დევილთა ჩასახლებებში ინფრასტრუქტურული სამუშაოები მიმდინარეობს

02 ივლისი 2019

შავშვების, ხურვალეთისა და ვერხვების დევილთა ჩასახლებებში სხვადასხვა სახის ინფრასტრუქტურული სამუშაო მიმდინარეობს. პროცესი შიდა ქართლის სახელმწიფო რწმუნებულმა გიორგი ხოჯევანიძემ და რწმუნებულის მოადგილემ ამირან ქრისტესიაშვილმა დაათვალიერეს და ადგილობრივ მოსახლეობასაც ესაუბრნენ. შავშვების ჩასახლებაში სარწყავი სისტემის, ხოლო ვერხვების ჩასახლებაში საჭიდაო მოედნის მონყობა მიმდინარეობს. მალე დაიწყება ხურვალეთის ჩასახლებაში საბავშვო გასართობი სკვერის მონყობაც. თითოეული პროექტი ადგილობრივების მიერაა ინიცირებული და შესაბამისად, მათ საჭიროებებზე მორგებული. „დევილების საცხოვრებელი პირობების გაუმჯობესების მიზნით აქტიურად ვმუშაობთ შესაბამის სამსახურებთან, ასევე, ურთიერთვთანამშრომლობთ ქურთის, ერედვისა და თიღვის თემის გამგეობებთან. ჩასახლებებში ცხოვრობენ ბავშვები და ახალგაზრდები, ამიტომ ინფრასტრუქტურის გაუმჯობესებასთან ერთად ვახორციელებთ ისეთ პროექტებს, რომლებიც ხელს შეუწყობს ჯანსაღი ცხოვრების, სპორტის თუ განათლების მიმართულებებს.“ - აღნიშნა რწმუნებულმა.

მიმდინარე წელს იგეგმება კარალეთისა და ახალსოფლის დევილთა დასახლებებში გზის რეაბილიტაციის სამუშაოები, ასევე, დაგეგმილია ქალაქ გორში, კომბინატის დასახლებაში ახლადაშენებული კორპუსების მიმდებარედ საბავშვო ბაღის მშენებლობა.